

613



Bosna i Hercegovina
Federacija Bosne i Hercegovine
Kanton Sarajevo - Grad Sarajevo

OPĆINA CENTAR SARAJEVO
Općinski načelnik
Služba za urbanizam i zaštitu okoliša

Broj: 07/A-49-2235/19
Sarajevo, 10.02.2020.godine

SKUPŠTINA KANTONA SARAJEVO
Ulica Reisa Džemaludina Čaučevića 1
- SARAJEVO -

Bosna i Hercegovina
Federacija Bosne i Hercegovine
KANTON SARAJEVO

PRIS	20-02-2020		
On			
011	05	53.190	105-306
			119

PREDMET: odgovor

U vezi vašeg dopisa broj:01-05-43190-109/19 od 18.12.2019 godine za provedbu Plana interventnih mjera u slučajevima prekomjerne zagađenosti zraka u Kantonu Sarajevu obaviještavamo vas da je Općinsko vijeće Centar Sarajevo, na desetoj tematskoj sjednici održanoj 30.01.2020. godine, razmatralo Mjere i aktivnosti koje treba poduzeti Općina Centar na smanjenju zagađenosti zraka i saradnje sa drugim nivoima vlasti. Doneseni Zaključci na održanoj sjednici su sljedeći:

1. Iz sredstava ovogodišnjeg budžeta Općine, te novim sredstvima u rebalansu budžeta za 2020. godinu nastaviti intenzivnu realizaciju projekata gasifikacije područja općine koja nisu pokrivena gasnom mrežom.
2. Finansijski podržati konverziju kotlovnica sa čvrstog ili tečnog goriva na plin u objektima osnovnih škola „Isak Samokovlija“ i „Vladislav Skarić“.
3. Nastaviti realizaciju sufinansiranja projekata utopljanja javnih objekata, kao i objekata kolektivnog i individualnog stanovanja
4. Beskamatno kreditirati konverziju individualnih stambenih objekata sa čvrstog ili tečnog goriva na ekološki prihvatljiva goriva (plin ili struja).
5. Finansijski podržati uvođenje plina u domaćinstva posebno teškog socijalnog statusa.
6. Intenzivirati rad na izgradnji podzemnih javnih garaža sa najvišim stepenom zaštite kvaliteta zraka filter uređajima, odnosno prečistačima zraka.
7. Finansirati nabavku i sadnju 10 hiljada odraslih stabala zimzelenog drveća sa najvećom površinom lista.

Prijedlozi Vladi i Skupštini Kantona Sarajevo:

1. Da obezbijedi konverziju kotlovnica sa čvrstog ili tečnog goriva na plin svih javnih objekata u Kantonu, kao i industrijskih kapaciteta.
2. Da finansira troškove besplatnog priključka na plin individualnih i stambenih objekata i subvencionira troškove korištenja plina ovih objekata u zimskom periodu
3. Da obezbijedi liniju dugoročnog beskamatnog kreditiranja projekata energetske efikasnosti individualnih stambenih objekata koji koriste ekološki neprihvatljiva goriva (utopljanje objekata, uvođenje grijnih tijela i instalacija na plin)
4. Subvencionira kupovinu električnih automobila u saradnji sa Vladom Federacije
5. Donese odluku o zabrani prodaje i korištenja nekvalitetnih čvrstih i tečnih goriva

6. Pokrene inicijativu prema Federalnoj Vladi radi zabrane uvoza svih vrsta automobila koji štete kvalitetu zraka
7. Sufinansira projekte općina sa područja Kantona na izgradnji većeg broja podzemnih javnih garaža sa prečistačima zraka
8. Izradi Studiju o efektima mogućeg instaliranja vakumskih čistača smoga na području cijelog Kantona.

Na osnovu Zakona o energijskoj efikasnosti FBiH jedinice lokalne samouprave su dužne donijeti općinski program poboljšanja energijske efikasnosti. Služba za investicije, komunalni razvoj i planiranje Općine Centar je pripremila materijal koji je izrađen u skladu sa kantonalnim Planom poboljšanja energijske efikasnosti retroaktivno za period 2016.-2018. godine i na koji je pribavljena saglasnost nadležnog Ministarstva privrede, te da će isti biti upućen na usvajanje Općinskom vijeću na nekoj od narednih sjednica. Napominjemo da je Služba u predhodnom periodu provodila Javni poziv za utopljavanje objekata kolektivnog stanovanja te da je sklopila ugovore sa upraviteljima za 6 objekata. Također su sklopljeni ugovori o sufinansiranju završetka radova na OŠ „Musa Ćazim Ćatić“ i „Hasan Kikić“. Uz podršku BBI banke pripremljen je Javni poziv za sufinansiranje kamatne stope za utopljavanje objekata individualnog stanovanja.

S tim u vezi, Općina Centar Sarajevo će u narednom periodu poduzeti pravovremeno aktivnosti u cilju smanjivanja emisije zagađujućih čestica i poboljšanja stanja okoliša.


IZRADA:

Medina Fatić, BA zdravlja i ekologije, voditelj postupka

KONTROLA:

Šef Odsjeka za upravno rješavanje
Kana Rahmanović, dipl. pravnik

Šef Odsjeka za urbanizam i zaštitu okoliša
Anira Dodović, dipl. inž. arh.



DOSTAVITI:

1. Naslovu
2. U spis